



Bentiaraq Ottosen

UPA 2026/169-1

Atassut

28. April 2026

Naartunermi, erninermi meeravissiarternermilu sulinngiffeqartarneq pillugu anaanaasut tamarmik sapaatip akunneranut akunnernik 40-nik erninerminnik, sapaatit akunnerini 19-ini, siornatigut suliffigisimasaq apeqqutaatinnagu ullormusiaqarnissaasa pisinnaatitaaffigilernissaannut, Inatsisartut Naalackersuisut siunnersuut. peqquneqarnissaannik

(Inatsisartunut ilaasortaq Jens NapätôK', Naleraq)

Ilaqutariineq inuiaqatigiini sukarsuuvoq tamanit pingaarnerpaaq. Meeqqat peroriartornermini toqqissillutik inuuneqarnissaat pingaaruteqarluinnartuuvoq, taamatulli erseqqissarusunnarpoq Naartunermi, erninermi meeravissiarternermilu sulinngiffeqarnerup pitsaasumik atugassaqartitsinissaa ilaqutariinut tamanut pingaaruteqarluinnartuusoq. Atassummiit ersarissartuarumavarput inuiaqatigiit toqqissillutik atugassaqartinneqassasut, Kommuninilu aamma kiffartuuneqarneq pitsaassusaanut qaffasinnerpaamik inissisimanissaa saneqqukkuminaatipparput.

Ilaqutariittut ineriartornerup peqqinnarnerulernissaa pingaartuuvoq eqqartussallugu, inuk kinaluuniit pisariaqartilluinnarpaa Naartunerup, ernereernerup kingorna ilaqutariittut ilinniarnissaa aamma toqqissilluni ilaqutariittut tapersersuinissaa. Taamaattumik ersarissanissaaq tamatsinnut pingaaruteqarpoq, inuit pisinnaatitaaffigaat tamanna uagut pitsaanagerusumut qanoq isilluta sangutissinnaagipput ersarissartariaqarparput. Inuiaqatigiit nukittuut tassaapput toqqissillutik ilaqutariittut inissisimasuusut, taamaattumik assortoruminaappoq ilaqutariittut sulinngiffeqarallarnissap sivitsorneqarnissaa. Naalackersuisut oqariartuutaat ersarissuuvoq aamma siunnersuuteqartup oqariartuutigisaa ersarilluni, taamatulli pivusorsiornerusumik oqariartussagutta Naalackersuisut allannguutissatut siunnersuutaat taperserumavarput. Atassummiit naliliinerput eqqarsaatigalugu isumaqarpugut pivusorsioartuusoq nalilersussallugu ilaqutariittut pisinnaatitaaffik atorluarneqartariaqartoq, inuk kinaluuniit periarfissaqarnissaa siunertaammat.

Atassut pingaartilluinnarpaa Inuk qitiutillugu kiffartuusinnissaaq tassani qulakkiissavarput qanoq iliornikkut pitsaasumut siunertamut pisinnaatitaaffeqalernissaa. Nalunngilluinnaratsigu Naartunermi ernereernerullu kingorna ilaqutariittut pisariaqartitsineq qanoq annertutiginersoq, soorunalimi nalilersuutit qiviarutsigit upperilluinnartariaqarpagut meeqqat uani pineqarmata.

Meeravissiarternermi nalilersuilluarnissaaq pingaaruteqarpoq, apeqqutaammat susassaqtut akornanni nalilersuinerit qanoq ittut atorneqarnerisut. Ilaqutariittut toqqissisimanissaaq meeqqatta siunissaanut toqqissisimanermik pilersitsisussaavoq, qularutigineqassanngilarli Atassut sukataaruteqartuaanavippoq ilaqutariit eqqartorneqartillugit. Angerlarsimaffik toqqissisimanartuusariaqarpoq meeqqat toqqissillutik siunissamut ilinnialernissaanut



aallaaviusussaammat, soorunalimi aamma ilaqarpugut taamatut misigisimangitsunik taamaattumik inuit ikiorsertariallit ikiorserneqarnissaat Atassutip isumaginninnikkut politikkeqarnermigut ersarissarluartarpaa.

Inuiaqatigiinni naligiinnginnerujussuaq immaqa allatut taaneqarsinnaalluarpoq, inuit tamatta nalilittut inissisimanerput ersarissagassaraarput – tamatta naleqarpugut tamattalu pisinnaatitaaffigut pisinnaatitaaffigaarput arlaanaataluuniit pisinnaatitaaffeqarnerunanilu pisinnaatitaaffikinnerunngilaq. Isumaginninnikkununa kiffartuusinerput eqqartortariaqaleripput, assersuutigiinnassuara kommunerujussuit aaqqissuuneqalermata isumaginninnikkut inatsit qiviarneqarsimangilaq ullumikkullu killilerujussuarmik aaqqissuusanik kiffartuusinnikkut ingerlatsivugut. Tamakkua qiviarneqalaartariaqartut kaamattuutigissavarput Naalakkersuisunut. Naligiinginneq pilersitarinngilarput – inatsisilioraangatta puujortuaanaratsigu inuit qanoq kiffartuuneqarnissaat. Taamaattumik oqaatigisariaqarparput kingunerisassaanik nalilersuiartarnissarput pingaaruteqartuusooq, arlaanaataluuniit inuk kiffartuuneqartoq ajornerusumik kiffartuuneqarnissaa anguniarneq ajorpaa, inatsiseeqqallu imminnut assortuuttut pilersinneqaraangata inuup kiffartuuneqarnera ajorseriartartoq. Arlaanulluuniit tikkuartuisoqanngilaq eqqumaffigisassanulliuna ersarissaasugut systemi aallaaviusariaqanngimmat – Inuk aallaaviusussaammat. Taamaattumik inatsisinik agguluttunik suliaqaanarnani Inuk ilivitsoq qiviarlugu Inuk qitiutillugu kiffartuusinnissarput pingaaruteqartuusooq.

Taamatut oqaaseqarluta Naalakkersuisut allannguutissatut siunnersuutaat taperserparput, Ilaqtariinut peqqisutsimullu ataatsimiititaliamut innersuupparput.